



Inatsisartunut ilaasortat
Knud Kristiansen aamma Gerhardt Petersen,
Atassut

§37 tunngavigalugu apeqqut 2014/182, timersornikkut tv-kanali pillugu

Nunatsinni, TV-kkut deciderilerluni digitaliseeriineq atuullalereersoq nalunngilarput, taannali ATASSUT-miit amigartumik ingerlasoq naliliivugut, matumani pineqarluni timersornermut tunngasut kanal-i nunarput tamakkerlugu toqqagassaasinnasariaqarnera. Naalakkersuisut timersornikkut tv kanal-imik nunarput tamakkerlugu toqqagassaqalernissamut suliniuteqarniarnersut ATASSUT-miit paaserusupparput, tassami tv kanal: TV 3 sport periarfissat ilagilluarpaat?

(Inatsisartuni ilaasortat Knud Kristiansen aamma Gerhardt Petersen, ATASSUT)

Apeqquteqaammut qujallunga matumuuna ilisimatitsissutigissavara, kanalit digitaliusut imarisaat KNR-ip inassuteqareerneratigut Naalakkersuisunit aalajangerneqartarmata.

Kanalit akeqanngitsut pingasut siunertaraat tamanik sullissinissamik nalinginnaasumik neqerooruteqarnerup annertusinissaa, nunanit allanit aallakaatitassianit ilaqartilergut. Kanalinit pingasunit taakkunannga kissaataavoq ataaseq meeqqanut kanaliussasoq.

Ullumikkut kanalit inersimasunut aallakaatitsisartut marluk, tamarmik tamanut ammasumik kanaliupput:

- DR1 aliikkusersuinernik paasissutissiissutinillu assigiinngitsorpasuarunik ilaqutariinnut neqeroorutilik, aamma
- DR2 nutaarsiassanik, tunuliaquttat pillugit ilisimatitsissutinik, piviusut pillugit aallakaatitanik nunarsuarmillu tamarmit filminik kiisalu quiasaarutiginninnernik inersimasunut naatsorsuussanik aallakaatitsisartoq.

Danmarks Radio-p kanalii toqqarneqarput, pisiarissallugit akikinnerpaammata, Naalakkersuisullu maanna aningaasaqarnikkut pissutsit eqqarsaatigalugit piviusorpalaartutut siunertamullunniit naapertuuttutut isiginngilaat aningaasanut inatsisikkut tv-kanalit avataaneersut amerlanerit pissarsiarinissaat aningaasalersorneqassappat.

Nunarsuaq tamakkerlugu timersornikkut unamminernit aallakaatitat aalajangersimasut pissarsiariniarnerat ullumikkut akisunerulersimaqaaq, taamaammallu aamma nalinginnaasumik akuerisaavoq, tamakkunannga soqutigisallit unamminerit pineqartut takujumagunikkut namminneq isumagissagaat, – sumiiffinni ataasiakkaani tv-utileqatigiit imalunniit internet aqqutigalugit.

RADIO TV-lu pillugit inatsit nutaaq aqqutigalugu atuisut siunnersuisoqatigiivi pilersinneqarput. KNR-ilu siunnersorumavara siunissami siunnersuisoqatigiit peqataateqqaartassagaat, kanalit digitaliusut imarissassaat pillugit inassuteqaatimik nassiutinnginneranni.

Inussjarnersumik inuulluaqqusillunga

Nick Nielsen

18-09-2014
Sags nr. 2012-078277
Dok. nr. 1699569

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl